

**SIARAN MEDIA**

**UNTUK EDARAN SEGERA**

**PERMODALAN NASIONAL BERHAD (PNB) SASAR BANTU 1,000 BUMIPUTERA CAPAI TAHAP  
PROFESIONAL MELALUI INISIATIF PERAKAUNAN PROFESIONAL**

*Usahasama Yayasan Peneraju Pendidikan Bumiputera (Yayasan Peneraju),  
Permodalan Nasional Berhad (PNB), Kolej Pendidikan INTEC dan Ernst & Young Malaysia  
(EY) Selaras Dengan Usaha Kerajaan Tingkatkan Akauntan Profesional Bumiputera*

- *Yayasan Peneraju Pendidikan Bumiputera (Yayasan Peneraju) & Permodalan Nasional Berhad (PNB) jalin usahasama dengan Kolej Pendidikan INTEC (INTEC) dan Ernst & Young Malaysia (EY) bagi inisiatif PNB Chartered Accountant (PCA);*
- *PCA sasar taja 1,000 Bumiputera bagi mencapai tahap Perakaunan Profesional;*
- *Penggabungan dan pengambilalihan (M&A) syarikat Skim Jejak Jaya Bumiputera (SJJB), Censof Holdings Bhd dan Asian Business Software Solutions Pte Ltd (ABSS) bernilai RM30 juta bagi memperkukuh prospek dan daya saing perniagaan dalam rantaian bekalan perisian dan aplikasi komputer di peringkat Asia Tenggara.*

**26 Oktober 2016, Kuala Lumpur** – Unit Peneraju Agenda Bumiputera (TERAJU) hari ini menganjurkan acara pertukaran perjanjian di antara Permodalan Nasional Berhad (PNB), dengan Yayasan Peneraju Pendidikan Bumiputera (Yayasan Peneraju), Kolej Pendidikan INTEC (INTEC) dan Ernst & Young Malaysia (EY), bagi inisiatif PNB Chartered Accountant (PCA), yang bertujuan mewujudkan lebih ramai Akauntan Profesional di kalangan Bumiputera. Acara ini disaksikan oleh YAB Perdana Menteri Dato' Sri Mohd Najib bin Tun Abdul Razak dan diiringi oleh YB Datuk Hj Abdul Rahman Dahlan, Menteri di Jabatan Perdana Menteri, YBhg Dato Husni Salleh, Ketua Pegawai Eksekutif TERAJU dan YBhg Tan Sri Abdul Wahid Omar, Pengerusi Kumpulan PNB. Agensi terlibat diwakili oleh YBhg Dato' Abdul Rahman Ahmad, Presiden dan Ketua Eksekutif Kumpulan PNB, YM Raja Azura Raja Mahayuddin, Ketua Eksekutif Yayasan Peneraju, YBrs En Azlizan Fadzil, Ketua Pegawai Eksekutif Kumpulan UiTM Holdings Sdn Bhd dan YBhg Dato Abdul Rauf Rashid, Rakan Kongsi Pengurusan Negara EY Malaysia.

Jalinan kerjasama inisiatif PCA ini adalah selaras dengan agenda dan aspirasi Nasional bagi pembangunan modal insan di bawah Agenda Pemerkasaan Ekonomi Bumiputera menjelang tahun 2020, dengan meningkatkan bilangan Akauntan Profesional Bumiputera dari 8% pada masa ini ke 25% menjelang tahun 2020. PCA akan memberikan tumpuan kepada penajaan calon dari lepasan SPM, graduan diploma dan ijazah dalam bidang perakaunan serta graduan program asasi perakaunan professional untuk mendapatkan kelayakan perakaunan professional. Penajaan akan merangkumi elaun sara hidup, yuran pengajian dan yuran-yuran lain yang berkenaan.

Sebagai permulaan, PCA akan menawarkan program kelayakan profesional Association of Chartered Certified Accountants (ACCA) dan akan dikembangkan pada masa hadapan agar ia meliputi kelayakan perakaunan profesional setara yang lain. Antara kelayakan perakaunan profesional yang bakal ditawarkan termasuk Malaysian Institute of Certified Public Accountants - Chartered Accountants Australia and New Zealand (MICPA-CAANZ), Institute of Chartered Accountants in England and Wales (ICAEW), Certified Practising Accountants (CPA) Australia, Chartered Institute of Management Accountants (CIMA) serta mana-mana badan yang diiktiraf Badan Perakaunan Profesional.

Di majlis yang sama, YAB Perdana Menteri turut menyaksikan pertukaran dokumen penggabungan dan pengambilalihan atau M&A (Merger and acquisition) yang melibatkan sejumlah RM 30 juta, di antara Censof Holdings Bhd (Censof) dengan Asian Business Software Solutions Pte Ltd (ABSS), sebuah syarikat perisian dan aplikasi komputer beribu pejabat di Singapura. Censof adalah sebuah syarikat di bawah Program Skim Jejak Jaya Bumiputera (SJJB) TERAJU. Melalui usahasama ini Censof bakal mengukuhkan prospek dan daya saing perniagaan mereka dalam rangkaian bekalan perisian dan aplikasi komputer di peringkat ASEAN dan Asia Tenggara. Usahasama ini juga bakal merangsang pertumbuhan perniagaan Censof serta menempatkan syarikat Bumiputera ini di peta dunia dalam industri perisian dan aplikasi komputer.

Sebelum acara pertukaran perjanjian berlangsung, Majlis Ekonomi Bumiputera (MEB) bersidang untuk membincangkan inisiatif-inisiatif Agenda Pemerkasaan Ekonomi Bumiputera. MEB dimaklumkan mengenai perkembangan terkini berkenaan penyertaan Bumiputera di ruang perniagaan Stesen MRT terpilih bagi jajaran Sungai Buloh-Kajang (SBK) yang diadakan selaras dengan inisiatif *Carve Out and Compete* di bawah TERAJU.

Menurut Mass Rapid Transit Corporation (MRT Corp.), berdasarkan proses tender ruang perniagaan di stesen-stesen bertingkat MRT Jajaran SBK, penglibatan usahawan Bumiputera adalah sebanyak 51% iaitu 21 lot perniagaan daripada jumlah keseluruhan 41 lot yang ditawarkan.

Menurut Dato Husni Salleh, "Usaha ini dijangka dapat membantu meningkatkan penyertaan syarikat Bumiputera dalam bidang perniagaan runcit dengan membuka peluang ruang perniagaan di lokasi strategik stesen-stesen MRT. Diharapkan usaha ini juga dapat membantu usahawan kecil Bumiputera yang mungkin tidak berpeluang menyewa ruang perniagaan di lokasi-lokasi strategik."

Untuk maklumat lanjut mengenai inisiatif PNB Chartered Accountant (PCA) sila layari atau hubungi:

Yayasan Peneraju Pendidikan Bumiputera  
Tingkat 15-1, Mercu UEM  
Jalan Stesen Sentral 5, KL Sentral  
50470 Kuala Lumpur  
Tel: 03-2727 9000 (Bahagian Profesional)  
Laman web: [www.yayasanpeneraju.com.my](http://www.yayasanpeneraju.com.my)  
Email:  
[penerajuprofesional@yayasanpeneraju.com.my](mailto:penerajuprofesional@yayasanpeneraju.com.my)

INTEC Education College  
Jalan Senangin Satu 17/2A  
Section 17, 40200 Shah Alam, Selangor  
Tel: 03-5522 7000  
Laman web: [www.intec.edu.my](http://www.intec.edu.my)

Ernst & Young  
Level 23A, Menara Milenium  
Jalan Damanlela, Pusat Bandar Damansara  
50490 Kuala Lumpur  
Tel: 03-74958000



**-TAMAT-**

Diedarkan oleh bzBee Consult Sdn Bhd bagi pihak Unit Peneraju Agenda Bumiputera  
(TERAJU)

**Untuk maklumat lanjut, sila hubungi**

Nana Azmi – 012 9144788, [azlyana@bzbee.com.my](mailto:azlyana@bzbee.com.my)

Felicia Ds– 010 290 3092, [felicia@bzbee.com.my](mailto:felicia@bzbee.com.my)

## **TENTANG TERAJU**

Penubuhan TERAJU telah diumumkan oleh Perdana Menteri YAB Datuk Seri Najib Tun Razak pada hari Selasa, 8 Februari 2011, untuk memimpin, menyelaraskan dan memacu penyertaan Bumiputera dalam ekonomi melalui inisiatif sedia ada dan baru dan untuk mencadangkan pembaharuan institusi, untuk meningkatkan keberkesanan. TERAJU melaksanakan penajaran strategik sumber-sumber kerajaan dan agensi-agensinya. Ia telah diperkenalkan sebagai "Game Changer" untuk memperkukuh dan memperkasakan Agenda Pembangunan Bumiputera.

Matlamat utama adalah untuk membolehkan masyarakat Bumiputera merebut peluang-peluang dan sama-sama mendapat manfaat daripada pertumbuhan ekonomi yang pesat.

Tumpuan TERAJU akan berada di kawasan-kawasan berikut:

- Penciptaan keusahawanan & kekayaan;
- Pembiayaan;
- Pendidikan & pekerjaan;
- polisi kajian instrumen institusi; dan
- Pengurusan pihak berkepentingan.

TERAJU juga bertindak sebagai Sekretariat untuk "Majlis Ekonomi Bumiputera" ("MEB").

## **TENTANG YAYASAN PENERAJU**

Yayasan Peneraju Pendidikan Bumiputera merupakan salah satu inisiatif di bawah Hala Tuju Bumiputera yang dilancarkan oleh TERAJU yang bertumpu untuk mengukuhkan pembinaan keupayaan Bumiputera secara secepat dan berterusan. Mandat yang diamanahkan kepada Yayasan Peneraju termasuk meningkatkan kualiti, kuantiti dan keberkesanan bakat-bakat Bumiputera sejajar dengan usaha Kerajaan dalam menaiktaraf Malaysia ke arah negara berpendapatan tinggi melalui pendidikan akademik, pensijilan profesional dan vokasional.

Program-program intervensi berbentuk jangka pendek dan jangka panjang dirangka bagi memastikan aspirasi tersebut dicapai dibahagikan kepada 3 teras iaitu:

- **Peneraju Tunas**

Program pembiayaan pendidikan untuk pelajar sekolah rendah, menengah dan pengajian tinggi yang berpotensi, berpendapatan isi rumah rendah (RM 4,000 ke

bawah) dan dari latarbelakang yang mencabar bagi mendapatkan pendidikan berkualiti.

- **Peneraju Skil**

Program Pembangunan Kemahiran bagi meningkatkan skil vokasional dan teknikal ke peringkat pengiktirafan antarabangsa. Program ini mempunyai dua segmen iaitu Peneraju Skil Iltizam (pelajar keciciran) dan Peneraju Skil (pekerja mahir) yang meliputi pelbagai sector: minyak & gas, elektrik & elektronik, komunikasi, *communication content & infrastructure (CCI)*, penjagaan kesihatan, perkhidmatan perniagaan dan lain-lain.

- **Peneraju Profesional**

Program Pembangunan bagi pensijilan profesional dan program spesialis. Peningkatan kepakaran dalam bidang-bidang profesional seperti perakaunan, kewangan, kejuruteraan dan lain-lain.

## **TENTANG SJJB**

Program Skim Jejak Jaya Bumiputera (SJJB) dikendalikan secara bersama oleh Teraju dan Ekuinas adalah bagi memberikan khidmat nasihat sokongan secara menyeluruh kepada syarikat Bumiputera yang berpotensi untuk disenaraikan.

SJJB diperluas untuk merangkumi syarikat tersenarai awam (PLC) Bumiputera bermodal pasaran kecil dan sederhana dengan matlamat memajukannya menjadi syarikat peneraju pasaran masa hadapan. Objektif program ini adalah untuk meningkatkan nilai modal pasaran syarikat PLC Bumiputera.

Di bawah program SJJB, tumpuan diberikan terhadap usaha membina kapasiti dengan menyediakan khidmat nasihat secara menyeluruh kepada syarikat yang mempunyai potensi penyenaaran. Skop program juga tidak terhad hanya kepada menyediakan bantuan "peringkat akhir" untuk proses penyenaaran ke Bursa Malaysia, sebaliknya turut berusaha memberikan khidmat nasihat sokongan secara menyeluruh kepada syarikat Bumiputera yang berpotensi untuk disenaraikan.

Untuk menjamin impak yang lebih bermakna, SJJB mensasarkan untuk meningkatkan modal pasaran keseluruhan telah diberikan sasaran untuk meningkatkan modal pasaran keseluruhan PLC kawalan Bumiputera antara RM7 dan RM10 bilion menjelang hujung tahun 2016.

## **TENTANG CARVE OUT AND COMPETE**

Inisiatif carve-out adalah bertujuan untuk meningkatkan penyertaan syarikat Bumiputera dalam projek mega kerajaan dan GLC.

Langkah ini sejajar dengan peranan TERAJU bagi membantu menyediakan peluang kepada syarikat Bumiputera untuk mengembangkan perniagaan mereka.

Inisiatif ini diterajui enam prinsip rancangan Transformasi Ekonomi Bumiputera iaitu mesra pasaran, berasaskan keperluan, berasaskan merit, ketelusan, daya saing, pro pertumbuhan dan mapan.

Syarikat Bumiputera yang berkelayakan harus bersaing sesama sendiri untuk mendapatkan kontrak bagi projek berkenaan dan pemilihan akan dibuat berdasarkan merit.

Sebelum ini, pada 2012, TERAJU telah bekerjasama dengan MRT Corp bagi melaksanakan projek MRT Jajaran Sungai Buloh-Kajang. Dalam kerjasama itu, MRT Corp memberikan 47 peratus daripada pakej kerja projek berkenaan kepada 159 kontraktor Bumiputera.